

ქ. თბილისი

„21. „ სექტემბერი“ 2016 წ

ერთის მხრივ, სსიპ სამედიცინო საქმიანობის სახელმწიფო რეგულირების სააგენტო (შემდგომში - შემსყიდველი) წარმოდგენილი მისი უფროსის გია თვალავაძის სახით, და მეორეს მხრის შპს „პენსან ჯორჯოა“ (შემდგომში - მიმწოდებელი) წარმოდგენილი მისის უფროსის გიგა გობიანიძის სახით „სახელმწიფო შესყიდვების შესახებ“ საქართველოს კანონის მე-20 მუხლის, „საბეჭდი ქაღალდის სახელმწიფო შესყიდვის კონსოლიდირებული ტენდერების საშუალებით განხორციელების შესახებ საქართველოს მთავრობის 2015 წლის 3 დეკემბრის N2585 განკარგულებისა და „A4 ფორმატის საბეჭდი ქაღალდის კონსოლიდირებული ტენდერის ჩატარების წესისა და პირობების დამტკიცების თაობაზე „სსიპ სახელმწიფო შესყიდვების სააგენტოს თავმჯდომარის 2015 წლის 20 მარტის N2 ბრძანების საფუძველზე, საბეჭდი ქაღალდის 2016 წლის კონსოლიდირებული ტენდერის (N CON160000033) (შემდგომში კონსილიდირებული ტენდერი) შედეგად, ვდებთ წინამდებარე ხელშეკრულებას შემდეგზე:

მუხლი 1 გამოყენებული ტერმინების განმარტებები

- 1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:
 - 1.1.1. „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – რომელიც ხელმოწერილია მხარეთა მიერ, მასზე თანდართული ყველა დოკუმენტით.
 - 1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების შესრულებისათვის;
 - 1.1.3. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
 - 1.1.4. „მიმწოდებელი“ ნიშნავს პირს, რომელიც აწვდის საქონელს სახელმწიფო შესყიდვის შესახებ მოცემული ხელშეკრულების ფარგლებში;
 - 1.1.5. „დღე“, „კვირ“, „თვე“ ნიშნავს კალენდარულ დღეს, კვირას, თვეს.
 - 1.1.6. სამუშაო დღე ნიშნავს კალენდარულ დღეს შაბათის, კვირისა და საქართველოს კანონმდებლობით განსაზღვრული უქმე დღეების გარდა.
 - 1.1.7. ფორსმაჟორი - მოცემულ შემთხვევაში აუცდენელი დაუძლეველი ძალა, რომელიც დგება მხარეთა დამოუკიდებლად და ატარებს წინასწარ გაუთვალისწინებელ ხასიათს, კერძოდ: მიწისძვრა, წყალდიდობა, ხანძარი, ომი, რევოლუცია, აჯანყება, იმპორტისა და ექსპორტის აკრძალვა, აგრეთვე სხვა გარემოება, რომელიც სეუძლებელს ხდის ხელშეკრულებით ნაკისრი ვალდებულებების შესრულებას ან იწვევს არათანაზომიერად დიდ ხარჯებს მათ შესასრულებლად.

მუხლი 2 ხელშეკრულების საგანი

- 2.1 ხელშეკრულების საგანი 2016 წლის სახელმწიფო ბიუჯეტიდან მიღებული თანხის ფარგლებში ა/4 ფორმატის პირველი ხარისხის საბეჭდი ქარალდის (CPV კოდი 30197630) შესყიდვა ამ ხელშეკრულებით გათვალისწინებული ანაზრაურების სანაცვლოდ.
- 2.2 ხელშეკრულებით გათვალისწინებული საგნის აღწერა მოცემულია დანართ N1-ში რომელიც წარმოადგენს ხელშეკრულების განუყოფელ ნაწილს.

მუხლი 3 სახელშეკრულებო ღირებულება

- 3.1 ხელშეკრულების საერთო ღირებულებაა (შემდგომში „სახელშეკრულებო ღირებულება“) 1375 (ერთი ათას სამას სამოცდათხუთმეტი) ლარი ლარი დღგ-ს ჩათვლით.

3.2 ხელშეკრულების საგნის საერთო ღირებულება მოიცავს საქონლის შესყიდვასა და მიწოდებასთან დაკავშირებულ ანაზღაურებას საქართველოს კანონმდებლობით გათვალისწინებული ყველა სახის გადასახადის და მოსაკრებლის ჩათვლით.

მუხლი 4 მიღება-ჩაბარება და ანგარიშწირება

4.1 საქონლის მიღება ჩაბარება დასტურდება შემსყიდველისა და მიმწოდებელის უფლებამისილი წარმომადგენლის მიერ მიღება-ჩაბარების აქტით ან/და ანგარიშ-ფაქტურით. შემსყიდველის მხრიდან მიღება ჩაბარების აქტის და ანგარიშ-ფაქტურის ხელმოწერაზე უფლებამოსილია წინამდებარე ხელშეკრულების 7.1 პუნქტში მითითებული პირი.

4.2 მიმწოდებელთან ანგარიშწორება ხდება ფაქტობრივად მოწოდებული საქონლის შესაბამისად, უნაღდო ანგარიშწორების ფორმით ეროვნულ ვალუტაში მიმწოდებლის მიერ ხელშეკრულებაში მითითებულ საბანკო ანგარიშზე.

4.3 ანგარიშწორება განხორციელდება საქონლის მიღება-ჩაბარების აქტის ან/და ანგარიშფაქტურის გაფორმებიდან 5 (ხუთი) სამუშაო დღის ვადაში, მაგრამ არაუგვიანეს საბეჭდი ქაღალდის მიწოდებიდან 10 (ათი) სამუშაო დღის განმავლობაში.

მუხლი 5 საქონლის მიწოდების ადგილი

მიმწოდებელი საქონლის მიწოდებას უზრუნველყოფს ხელშეკრულების დადებიდან 2016 წლის 30 სექტემბრის ჩათვლით, ერთიანად ან/და ნაწილობრივ შემსყიდველის მოთხოვნის შესაბამისად, არაუგვიანეს 3 (სამი) სამუშაო დღის ვადაში შემსყიდველის მისამართზე (ქ. თბილისი წერეთლის გამზ.N144)

მუხლი 6 მხარეთა უფლება-მოვალეობანი

6.1 შემსყიდველი უფლებამოსილია:

ა) წებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) გამოითხოვოს მიმწოდებლისგან ხელშეკრულების პირობის შესრულებასთან დაკავშირებული დოკუმენტები;

გ) ამ მუხლის 6.3 პუნქტის „გ“ ქვეპუნქტით გათვალისწინებული ვალდებულობების შეუსრულებლობის შემთხვევაში თავად მიიღოს ზომები ნაკლის აღმოსაფხვრელად და მოსთხოვოს მიმწოდებელს შესაბამისი ხარჯის ანაზღაურება.

6.2 მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3 მიმწოდებელი ვალდებულია:

ა) გადასცეს შემსყიდველს უფლებრივად და ნივთობრივად უნაკლო საქონელი;

ბ) ჯეროვნათ და კეთილსინდისიერად, დათქმულ დროსა და ადგილას შეასრულოს ხელშეკრულებით გათვალისწინებული ვალდებულები.

გ) შემსყიდველის შეტყობინების მიღებიდან არაუგვიანეს 5 (ხუთი) სამუშაო დღისა განახორციელოს უხარისხო საქონლის ან მისი ნაწილის შეცვლა შემსყიდველის მხრიდან დამატებითი ხარჯების გაწევის გარეშე.

მუხლი 7 ხელშეკრულების ინპექტირების პირობები

7.1 ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველი ორგანიზაციის წარმომადგენელი სსიპ სამედიცინო საქმიანობის სახელმწიფო რეგულირების სააგენტოს ადმინისტრაციული დეპარტამენტის მატერიალური უზრუნველყოფის სამმართველოს მთავარი სპეციალისტი ბესიკ ჭიპაშვილი.

- 7.2 მიმწოდებელი ვალდებულია უზრუნველყოს ინსპექტირების ჩატარება საკუთარი პერსონალით, ტექნიკური საშუალებებითა და სხვა სამუშაო პირობებით.
- 7.3 ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

მუხლი 8. პირგასამტებლო

- 8.1 ხელშეკრულებით ნაკისრი ვალდებულების შეუსრულების შემთხვევაში, მახარეს დაეკისრება პირგასამტებლო ხელშეკრულების საერთო ორგებულების 1%-ის ოდენობით, ხოლო ვალდებულების ნაწილის შეუსრულებლობის შემთხვევაში ვალდებულების შეუსრულებელი ნაწილის 1%-ის ოდენობით. ხელშეკრულებით ნაკისრი ვალდებულების შესრულების ვადის გადაცდენის შემთხვევაში, მხარეს დაეკისრება პირგასამტებლო ყოველვადაგადაცილებულ დღეზე შეუსრულებელი ნაწილის 0,2%-ის ოდენობით.
- 8.2 იმ შემთხვევაში თუ დაკისრებული პირგასამტებლოს საერთო ოდენობა გადაჭარბებს ხელშეკრულების საერთო ორგებულების 2 (ორ) პროცენტს შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტებლოს გადახდა.

მუხლი 9. ფორსმაჟორი

- 9.1 მხარეები თავისუფლედებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისგან, თუ აღნიშნული გამოწვეულია ფორსმაჟორით.
- 9.2 თუ ერთ-ერთი მხარე ფორსმაჟორის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ განთავისუფლდება ნაკისრი ვალდებულებებისაგან.
- 9.3 მხარეთა პასუხისმგებლობა და ვალდებულებები განახლდება ფორსმაჟორის მოქმედების დასრულებისთანავე.

მუხლი 10. ხელშეკრულებაში ცვლილებების შეტანა ხელშეკრულების შეწყვეტა

- 10.1 ხელშეკრულებაში ცვლილებების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობის ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 10.3 ხელშეკრულება შეიძლება შეწყდეს:
- ა) მხარეთა ინიციატივი, ურთიერთშეთანხმების საფუძველზე;
 - ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ნაკისრი ვალდებულებების შესრულებას. ;
 - გ) თუ მიმწოდებლის მიმართ დაიწყება გაკოტრების საქმე;
 - დ) საქართველოს კანონმდებლობით გათვალისწინებულ სხვა შემთხვევებში.

მუხლი 11. დავები, მათი გადაწყვეტის წესი და გამოყენებული სამართალი

- 11.1 ხელშეკრულებიდან გამომდინარე ყველა დავა გადაიჭრება ურთიერთშეთანხმებით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.
- 11.2 ხელშეკრულება დადებულია საქართველოს კანონმდებლობის შესაბამისად და მისი დებულებები განიმარტება საქართველოს კანონმდებლობის შესაბამისად.

მუხლი 12. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადების გადახდაზ, თუ ხელშეკრულებით სხვა რამ არ არის გათვალსწინებული.

მუხლი 13. ხელშეკრულების ენა

ხელშეკრულება შედგენილია ქართულ ენაზე ორ ეგზემპლარი, ერთი ინახება მიმწოდებელთან ერთი შემსყიდველთან.

მუხლი 14 ხელშეკრულების მოქმედების ვადა

ხელშეკრულება ძალაში შედის მისი ხელმოწერის დღიდან და მოქმედებს 2016 წლის 10 ნოემბრის ჩათვლით.

”შემსყიდველი“

სსიპ „სამედიცინო საქმიანობის სახელმწიფო რეგულირების
სააგენტო“

ქ. თბილისი, წერეთლის გამზ №144,
სახელმწიფო ხაზინა, ანგN200122900

საიდენტიფიკაციო კოდი 205035120

”მიმწოდებელი“

შპს „პენსან ჯორჯია“

იურიდიული მისამართი: ქ. თბილისი, ბქეტრიონის
ქ. N24/96 , ფაქტიური მისამართი: ქ. თბილისი თამარ
მეფის გამზ.N18

ს/კ №404870760

სს „პროკრედიტ ბანკი“- UGEBGE22 ,

ანგN GE35VT 6500 0000 5555 5555



ხელშეკრულების საგნის აღწერა

შესყიდვის ობიექტია პირველი ხარისხის საბეჭდი ქალალდი

N	დასახელება და ტექნიკური მაჩვენებლები	განზომილების ერთეული	რაოდენობა	ერთეულის ფასი (ლარი)	საერთო ფასი (ლარი)
1	პირველი ხარისხის საბეჭდი ქალალდი ballet universal; მწარმოებელი ქვეყანა-რუსეთი; გრამაჟი 80(გრ/მ2); გაუმჯობესება 92% სიკაშვაშე 95% სითეთრე (CIE)Wcbg ულტრაიისფერი სხივების გათვალისწინებით 150% შეკვრაში ფურცლების რაოდენობა - 500;	შეკვრა (500 ფურცლიანი)	250 შეკვრა	5,50	1375
სულ საერთო ღირებულება (დღგ-ს ჩათვლით)					1375 (ერთი ათას სამას სამოცდათხუთმეტი) ლარი

”შემსყიდველი“

სსიპ „სამედიცინო საქმიანობის სახელმწიფო რეგულირების
სააგენტო“ქ. თბილისი, წერეთლის გამზ №144,
სახელმწიფო ხაზინა, ანგN200122900

საიდენტიფიკაციო ნომერი 205035120



სააგენტოს უფროსი

”მიმწოდებელი“


შპს „პენსან ჯორჯია“

იურიდიული მისამართი: ქ. თბილისი, ბახტრიონის
ქ. N24/96 , ფაქტიური მისამართი: ქ. თბილისი
თამარ მეფის გამზ.N18

ს/კ №404870760

სს „პროკრედიტ ბანკი“- UGEBGE22 ,

ანგN GE35VT 6500 0000 5555 5555



გიგა გობიანიძე

დირექტორი